

ISTRUZIUNS

1	I Ves periun bel da destodé le fonin y da le mête sön mësä.	
2	SCRIEDE MA CUN TINTA FOSCIA O BÖRNA (biro o pëna).	
3	Scriede fora la scheda cun i dac anagrafics, mo no la sotescriede .	
4	PROES D'EJAM Proa de comprenjiun tl ascuté sō: ma òna na resposta é dërta. Sce i aratëis che i se ëis falé y i orëis comedé valch, straichede la crusc falada depenjon suraia a fosch y metede na crusc nōia. I sëis peria da ne scrí nia comentars sciöche sce/nou, vëi/falé, fá saites, asteriscs o d'atri sëgns. Chisc vëgn düc conscidrá sëgns de reconescimënt y comporta l'anulamënt dl ejam. Proa scritta (tema). Por i liví B1, B2 y C1: al é da scrí n ressumé y na tuta de posiziun y por fá chësc s'anüzon dl sföi de protocol tla gran coperta. Anuzesse dl sföi de protocol y ne stede a fá sëgns de reconescimënt o d'ater che podess fá capí che che i sëis. Tignisse ai limic a na moda da lascé assá lersch da fá les coreziuns. An pó fá la burta copia sön la quarta plata dla plata de protocol. Al gnará ma ciaré jö la bela copia. Por le livel A2: al vëgn damané da scrí n test cört sön la plata de laur. Tignisse al limit de parores dé dant y scriede le numer complessif de parores jöinsom le test. Al é n limit de toleranza dl 10% implü o demanco. Al ne vëgn nia tigní cunt de ci che i ëis straiché o metü danter parenteses.	
5	Scriede a na moda che ara vais da lí. Sce i orëis scrí cun la scritöra da stampa messëise desfarenzié sciöche al toca danter lëtres scrites gran y lëtres scrites pice.	
6	Fajede les domandes che reverda l'ejam dal banch y dadalt.	
7	Canche i ëis rové la proa scritta metede dōtes les plates che i ëis ciagé tla gran coperta. Sotescriede dan la comisciun sides la scheda di dac anagrafics che la lista dles presënzes.	
8	Osc laur vëgn anulé, sce ➤ i scriëis cun tinta che n'é no börna no foscia o cun le raisplais; ➤ al é sön na plata sëgns che indichëia osta identité (p. ej. osc inom y cognom, osta sotescriziun o d'atri sëgns de reconescimënt); ➤ òna o de plü plates de laur é scarzades; ➤ al vëgn adoré le mangiatinta, vëtes o licuig de coreziun (tipp-ex) o mesi somiënc; ➤ tla pert scritta ne vëgnel nia adoré le lingaz scrit dant; ➤ òna dles plates (plata de laur o de protocol) ne vëgn nia dada jö.	I gnëis SLTÜTA/STLÜT FORA dal ejam, sce i ➤ scriëies jö da zacai, baiëis o comunichëi a val' manira cun les atres candidates y i atri candidat. An pó ma baié cun les comëmbres/i comëmbri dla comisciun d'ejam; ➤ jëis fora dl local d'ejam da sora/da su tratan l'ejam. An pó ma jí fora tratan l'ejam sce al vá assolutamënter debojëgn y a vigni moda ma cun na comëmbra/n comëmbër dla comisciun d'ejam; ➤ se tolëis para papier, anotaziuns, libri o publicaziuns de ci sort chessí tl local olache al vëgn fat l'ejam y ti ciaréis. An pó ma adoré les plates metüdes a disposiziun dala comisciun d'ejam; ➤ adorëis le fonin o la smartwatch tratan l'ejam.
9	L'orar dla proa a usc vëgn taché sō dlungia üsc defora dal local d'ejam.. Les cater perts dl ejam vëgn dōtes stlütës jö le medemo de.	

ISTRUZIONI

1	Ve prion bel de studé l fonin y de l mèter sun mèisa.	
2	SCRIJÈDE MÉ CUN TINTA FOSCIA O BRUMA (biro o pëna).	
3	Scrijède ora la scheda cun i dac anagrafics, ma ne la sotsrijède nia!	
4	PROES D'EJAM Proa de comprenscion tl scuté su: mé una na risposta ie drëta. Sce ratëis che ve ëis falà y ulëis mudé velch, straichède a fosch la crëusc faleda y metède na crëusc nueva. Sëis priei de ne scrì no cumentares sciche sci/no, vëira/falà, fé sëites, asteriscs o d'autri sënies. Chisc vën duc cunscidrei sënies de recunescimënt y cumporta l anulamënt dl ejam. Proa scritta (tema). Per i livei B1, B2 y C1: l ie da scrì n ressumé y na tëuta de pusizion y per fé chësc iel da adurvè la plates de protocol tla gran cuvierta. Nuzëve de chësta plates de protocol y ne fajède degun sënies de recunescimënt o auter che pudëssa dé da ntënder chi che sëis. Tenive ai lims de lersch acioche l posse mo unì fat curezions. N possa fé la burta copia sun la quarta plata dla plata de protocol. L ti unirà mé cialà ala bela copia. Per l livel A2: l vën damandà de scrì n test curt sun la plata de lëur. Tenive al lim de paroles dat dant y scrijède l numer de duta la paroles japé dl test. L ie na toleranza dl 10% plu o manco. L ne vën nia tenì cont de cie che ëis straicà o metù danter parenteses.	
5	Scrijède a na maniera che n posse liejer. Sce ulëis scrì cun i pustoms da stampa messëis desferenzië sciche l toca danter i pustoms che vën scric grant y chëi che vën scric pitl.	
6	Fajède la dumandes che à da n fé cun l ejam adaut y da ulache sëis sentei/sentedes.	
7	Canche i ëis finà la proa scritta metède duta la plates che i ëis giapà tla gran cuvierta. Sotscrijède dan la cumiscion sibe la scheda di dac anagrafics che la lista dla presënzes.	
8	<u>Vosc lëur vën anulà sce</u> ➤ scrijëis cun tinta che ne ie no bruma no foscia o cun l rispl; ➤ l ie sun una dla plates sënies cun chëi che n pudëssa recunëscer vosta identità (p.ej. vosc inuem, vosta sotscrizion o d'autri sënies de recunescimënt); ➤ una o de plu la plates de lëur ie zaredes; ➤ l vën adurvà l maiatinta, vëtes o licuic de curezion (Tipp-Ex) o mesuns semienç; ➤ tla pert scritta ne vëniel nia adurvà l lingaz scrit dant; ➤ una dla plates (plata de lëur o de protocol) ne vën nia data ju.	<u>Unirëis stluta/stlut ora dal ejam sce</u> ➤ scrijëis ju da zachei o rujenëis o cialëis de comuniché a vel' maniera cun d'autra candidates y d'autri candidat. N daussa mé comuniché cun la cumëmbres y i cumëmbri dla cumiscion d'ejam; ➤ jëis ora dl local d'ejam da sëula/sëul ntan l ejam. N daussa mé jì ora ntan l ejam sce l ie assolutamënter de bujën y te uni cajo mé cun l acumpaniamënt de na cumissera/n cumisser d'ejam; ➤ tulëis pea papier, anutazions, libri o publicazions de uni sort tl local d'ejam y ti cialëis. N daussa mé adurvè la plates metudes a despusizion dala cumiscion d'ejam; ➤ ve nuzëis ntan l ejam dl fonin o dla smartwatch.
9	L orar dla proa a usc vën tacà su dlongia usc dedora dal local d'ejam. La cater pertes dl ejam vën stlutes ju n l medemo di.	